

Origine du mariage

Đoo bujóó né, alú kúđurń kńj ge lsóo waalızı ína idée alééré, belé bógowe nyazi Kusúntu, nge bulızı abaalú kúđurń ulé đudđ ína idée bú abaalú, bika belé bógowe nyazi Baasáaru. Nge alú umú, ulé wénjelú ku kelinbé: cunjúzi, tólyááwá, buru-burukuwá na biríña kpátáá, ulé wénjelú ku, bika abaalú ulé ıjóó nabúru fěyí. Bówe bilé bika bannú đamá ténı. Wíre nakırı né, nge zíniwá weevéeri abaalú sıstı : ‘asée baazúv ıı buwá na iyuú alú ikpóó.’ Nge baalá biríña bawú, nge baalá biríña bawú, nge bódó ıı sıstı : ícaa kelinbíre cunjúá. A wooyuú kelinbíre cunjúá, na bómóo balaná budée sóózi. Tóo, kúbónı umú, bánÿáá ıı ge sıstı : Yoorúyóo, buga idée bú ge bánÿáá sıstı : Cawúyóo. Nna ge Yoorúyóo wódó idée bú, sıstı : Cawúyóo, bo Amiiná-jó sıstı : íkava ma kelinbíyóo cunjúá, sı balá ma sóózi. Nna ge bú umú waagurú ikpóo nıbááwu, ikpóo lédıyóo ibáa, ibó itála. Waadála nńunáa đđ né nge sıstı : gaafára, Amiiná gaafára, nge ulé sıstı : bókónı. Cawúyóo waazúv né ge sıstı : kúbónı Yoorúyóo weegédıríná ma sıstı : mógónı nva ıı kelinbíyóo cunjúá. Nna ge Amiiná sıstı : aayı, bidekéé mós mánÿám, a urú wógónı sıstı : ızólée đđ án, mós mána ıı đánlúm ge, a weení waagá né, na ulé ikpóo kelinbíre wendé ızólée né. Nge Cawúyóo sıstı : bulá? Amiiná ıı ııj. Nge Cawúyóo sıstı : tóo, bisímıla. Tóo, Amiiná wená kokokú kúbónı đđ, waadú tóolumá busu bidaá, nge weegézélı kı ikóná ııı, nge ína Cawúyóo beegbi đamá: Kikiri-kikiri, óo sı bótó na bosú né, Amiiná weegbedı ıselı Cawúyóo né, tóolumádaá púyı. Nge kaagurú kasıj, nge kóogbóo kadı kpiızı, Cawúyóo? lıj.

Kógóńgón ayakırı yakı

Kógóńgón ayakırı yakı

Kógóńgón ayakırı yakı

Kógóńgón ayakırı yakı

Kógóńgón ayakırı yakı...

Cawúyóo wéngbiizi ku ıdı bulé yoo. Nna ge Amiiná sıstı : mós máágá nya né, mós máágá nya đđ né, kelinbíyóo báa funúv, ndánnáa. Bo ngeveeri weení weegédiri nya né. Nge Cawúyóo wóogbóo nıbááwu, ibó itála. Woobó itála né, nge Yoorúyóo sıstı : kelinbíyóo we lé. Cawúyóo sıstı : Óo, máádála né, ulé wóogbóo tóolumá na kokokú ge ııı sıstı : đđıv. Nge Yoorúyóo sıstı : nge bulá nńını, ıı waaga ma! Yoorúyóo sıstı : Ówu, nyós nyégée túúlóó, nyégée túúlóó. Waagága nya ndđ? Cawúyóo sıstı : ııj. Nge Yoorúyóo sıstı : né, bulá nńını. Nna ge Cawúyóo sıstı : wódó ge sıstı : waagá ma né, ıđanvára ma kelinbíre, mógónı mevéeri nya, bidékée umú wánÿám, a bidómóo nya, nıbo. Yoorúyóo sıstı : tóo, bulá kazóo. Nge wóogógbóo nıbááwu, wóogógbóo nıbááwu né, nge weebéęj yéńdı ikáma:

A mós Yoorúyóo, mááfúnğám Amiiná, mááfúnğám

A mós, Yoorúyó, mááfúngám Amiiná, mááfúngám
Waagága Cawúyó, mááfúngám Amiiná, mááfúngám
A mós, Yoorúyó, mááfúngám Amiiná, mááfúngám
A mós, Yoorúyó, mááfúngám Amiiná, mááfúngám
Waagága Cawúyó, mááfúngám Amiiná, mááfúngám...

Aayí, si bitási né, nyurú wáńdálí, waadála Amiiná-jó, nge sísti : gaafára, nge ulé sísti : bákazuu. Waazúu né ge sísti : méégédíri bú né, nyááńmáti sísti : wé! Amiiná sísti : aayí, nyányi sísti : nyóógóni né, méńzewóo nyáázá yáá wé, bee kokokú, dńnlúm ge. Dńnlúm ge, a weení waagá né, ulé ukurú ukpa kelinbíre wendé ızoolée né. Nge baagurú, baanyáa batá dńmá: kiri-kiri-kiri, kiri-kiri-kiri, kiri-kiri-kiri, budási né, nge Yoorúyó waagá idúde ade, nge weezelí Amiiná si iyóo kokokú-daá, nge kokokú waaya, nge Amiiná woobó isúu unuvó-ro círib, sísti : bidala tá nabúru. Nge baadárábaazu: kiri-kiri, kiri-kiri, kiri-kiri budási né, Amiiná waagá iduná ade weezelí Yoorúyó si iyóo kokokú-daá né, aayí, nge tiyóo waazúu kokokú-daá, tuwú waazúu kokokú-daá, nge Yoorúyó waamaná tuwú isúu ade círib, sísti : bidékée mós. Nge baabáazu: kiri-kiri, kiri-kiri, kiri-kiri, kiri-kiri, kiri-kiri, Yoorúyó sísti : kéyi, le ge fará wńvaranáa awóró-awóró bulé yé. Nńna ge Yoorúyó weezelí Amiiná né, wóoyóo ade púyi. Waanyúu ukurú né, nge waamá yéńdi:

A mós, Yoorúyó mááfúngám Amiiná, mááfúngám
A mós, Yoorúyó, mááfúngám Amiiná, mááfúngám
Waagága Cawúyó, mááfúngám Amiiná, mááfúngám
Waagága Cawúyó, mááfúngám Amiiná, mááfúngám...

Nńna ge Amiiná sísti : aayí, mós mósjóo cé né, urú tángam mós, baa soolu kpíde wendé ge dńgóni cé, mós mána de dńnlúm ge, magá de. Nyáána nyóo nyáágá ma né? Médée bú, médée kelinbé, aríńa, kpa, na mós mádtuńa nboná nyédée. Wenbí biyéle ge hált na sinje, abaalú wńngbowúu alú né nbulé yoo...